

TI PLANO TI PANNAKAISALAKAN



ANIA TI PLANO TI PANNAKAISALAKAN?

Ti **plano ti pannakaisalakan*** ket plano ti Dios para iti pagragsakan dagiti annakna. Naisentro daytoy iti **Pannubbot** ni Jesucristo. No surotemto dagiti pannursuro ni Jesucristo, makasarakkanto iti manayon a talna iti daytoy a biag ken agnanayon a rag-o kalpasan ti ipapatay.

Bayat ti panagsursurom maipanggep iti plano ti pannakaisalakan, masarakamto dagiti sungbat kadagitoy a saludsod: “Sadino ti naggapuak?” “Ania ti panggepko iti biag?” “Sadino ti papanak kalpasan daytoy a biag?”

SADINO TI NAGGAPUAK?

Ti biagmo ket saan a nangrugi iti pannakayanak, wenna agpatingga daytoy iti ipapatay. Naaramidka iti **espiritu** a bagi (maawagan iti kararua no dadduma) ken pisikal a bagi. Pinarsua ti Nailangitan nga Ama ti espiritum, ken nakipagnaedka Kenkuana a kas maysa nga

espiritu sakbay a nayanakka iti daga. Am-ammom ken inayatmo Isuna, ken am-ammo ken inayatnaka. Daytoy a panawen ket maawagan iti **biag sakbay ditoy daga**.

Iti unos ti biagmo sakbay ditoy daga, nasuruanka kadagiti pagbatayan ken bilin a mangiturong iti kinaragsak. Dimmakelka iti kinasirib ken nasursurom ti mangayat iti kinapudno. Nasuruanka maipapan iti plano ti pannakaisalakan. Bayat daytoy

biag sakbay ditoy daga, napili ni Jesucristo kas Mangisalakán; nasursurom a babaen Kenkuana kabaelamto a rimbawan dagiti bunga dagiti biddut a pilim.

Maysa a napateg a paset ti plano ti Dios ket tapno umayka iti daga nga umawat iti pisikal a bagi ken tapno agsursuro nga agaramid kadagiti umno a pili. Saanmo a malagipen ti panagnaedmo iti sidong ti Nailangitan nga Ama, ngem ikkannakanto iti kabaelan a mangammo iti umno manipud iti biddut. Kabaelamto a bigbigen ti ayat ken kinapudno.

*“Ti plano ti
[pannakaisalakan] . . .
a naisagana manipud
iti pannakabukel ti
lubong, babaen ken ni
Cristo, kadagiti amin a
mamati iti naganna.”*

Alma 22:13

*Dagiti balikas iti nalabaga ket nailawlawag kadagiti panid 18 ken 19.

Ti pamillia ti kangrunaan iti plano ti Nailangitan nga Ama.





Babaen kadagiti padas ken pannubokmo, masursurom ti agaramid kadagiti umno a pili a saan nga agbalaliw. Babaen ti tulong ni Jesucristo, makapagsublikanto tapno makipagnaed iti Nailangitan nga Ama no aggibusen ti biagmo ditoy daga.

Iti biagmo sakbay ditoy daga, naammuam a babaen laeng ti panagpili a mangsurot iti plano ti Dios a makawatka iti manayon a talna ken panna-kapnek iti daytoy a biag ken para iti kinaagnanayon. Gapu ta ay-ayatennaka, inikkannaka ti Nailangitan nga Ama iti **kinawayaya nga agpili**, wenna ti bileg nga agaramid kadagiti pili. Pinalugodannaka nga agpili no surottem met laeng ti planona ken ni Apo Jesucristo.

Ni Satanás, maysa kadagiti espiritu nga annak ti Dios, ket nagalsa a maibusor iti Nailangitan nga Ama ken saanna nga inawat ti planona. Kinayatna a piliten-natayo amin a mangaramid iti pagayatanna. Daksanggasat, ta adu kadagiti annak ti Nailangitan nga Ama ti nangpili a mangsurot ken ni Satanás. Ni Satanás ken dagiti pasurotna ket napapanaw manipud iti imatang ti Dios ket saanda a napalubosan a mayanak iti daga. Agtultuloyda nga agbiag a kas espiritu. Agrigrigatda, ket kayatda nga agbalinka a nakaay-ay-ay. Sulisogennaka ken ti amin nga annak ti Dios nga agaramid kadagiti banag a mangisangbay iti kinaliday ken dagiti saan a makaay-ayo iti Dios.

Iti biag sakbay ditoy daga, pinilim ti maaddaan iti pammati ken ni Jesucristo ken ti mangsurot iti plano ti Dios. Gapu kadagiti pilim, nayanakka ditoy daga. Babaen laeng iti panangaramid kadagitoy maipada a pili a makasarakka iti kinatalna iti daytoy a biag ken makasubli tapno makipagnaed iti Nailangitan nga Ama kalpasan ti panaggibus daytoy a biag.

Nupay napengdan ti lagipmo maipapan iti daytoy, sakbay nga immayka iti daytoy a daga nagnaedka iti sidong ti Dios, ti Agnanayon nga Amam, ken ti Anakna, ni Jesucristo. Nagdir-ika gapu iti rag-odi naikkanka iti gundaway nga umay iti daytoy a daga tapno umawat iti bagi ken tapno sumurot iti plano ti Dios para iti pagragsakam.

*Dagiti balikas iti nalabaga ket nailawlawag kadagiti panid 18 ken 19.

ANIA TI PANGGEPKO ITI BIAG?

Ti Pannakaparsua ken ti Pannakatnag

Naparsua ti daga a lugar a pagnaedan para kadagiti annak ti Nailangitan nga Ama ken pakagun-odan iti padas. Da Adan ken Eva ti immuna nga annak ti Dios nga immay ditoy daga. Nagnaedda iti lugar a maawagan iti Minuyongan ti Eden, nga addada pay laeng iti imatang ti Dios.

Inikkan ti Nailangitan nga Ama da Adan ken Eva iti kinawaya nga agpili. Binilinna ida a saanda a kanen ti bunga ti kayo ti pannakammo iti nasayaat ken dakes. Ti panagtungpal iti daytoy a bilin kayatna a sawen a makapagtalinaedda iti minuyongan, ngem saanda a makapagdur-as babaen iti panagsursuro manipud kadagiti padas ken pannubok. Sinulisog ni Satan as da Adan ken Eva a mangan iti maiparit a bunga, ket pinilida nga aramiden daytoy. Paset daytoy ti plano ti Dios. Gapu iti pangngeddengda, naisinada manipud iti imatang ti Dios iti pisikal ken naespirituan. Nagbalinda a mortal, kayatna a sawen, a mapadasanda iti agbasol ken matay. Saanda a makasubli Kenkuana no awan ti tulongna. Ti pisikal ken naespirituan a pannakaisinada manipud iti Dios ket maawagan iti **ti Pannakatnag**.

Nangibaon ti Nailangitan nga Ama kadagiti anghel ken ti Espiritu Santo tapno mangisuro kada Adan ken Eva iti plano ti pannakaisalakan. Kangrunaan iti daytoy a plano ket ti Pannubbot ni Jesucristo, a mangpabael kadagiti annak ti Dios a mangpamek kadagiti bunga ti Pannakatnag ken maaddaan iti rag-o iti daytoy a biag ken iti kinaagnanayon.

*Dagiti balikas iti nalabaga ket nailawlawag kadagiti panid 18 ken 19.

“No saan a naglabsing ni Adan, saan koma a natnag, ngem nagtalinaed koma isuna iti minuyongan ti Eden. . . .

“Ket [da Adan ken Eva] awan koma ti annakda; gapuna nagtalinaedda koma iti kasasaad ti kinainosente, nga awanan iti ragsak, ta saanda nga ammo ti rigat; agaramid iti saan a naimbag, gapu ta saanda nga ammo ti basol.

“Ngem adtoy, naaramid amin a banag ti nasaririt a makaammo iti amin a banag.

“Natnag ni Adan tapno adda tao; ket ti panggep dagiti tao, ket tapno maaddaanda iti ragsak.”

2 Nephi 2:22–25



Ti Biagmo iti Daga

Gapu iti Pannakatnag, pisikal ken naespirituan a naisinakayo manipud iti Dios. Daytoy a pannakaisina ket paset ti plano ti Dios para kadagiti annakna. Ti panggepmo iti ipapanaw iti imatangna tapno umay ditoy daga ket iramanna iti pananggun-od iti bagi, pananggun-od iti padas, ken panagsursuro nga agaramid kadagiti umno a pili.

Adu nga aspekto ti biag ti mangisangbay iti kinaragsak, ken sumagmamano ti mangisangbay iti kinaliday. Dagitoy a padas ti mangtulog kenka a makasursuro a mangilasin iti nasayaat ken dakes ken tapno makaaramid kadagiti umno a pili. Impluwensiaannaka ti Dios nga agaramid iti nasayaat ken sumurot Kenkuana, idinto a ni Satanas ket sulisogennaka a saan a mangikankano iti Dios ket agaramid iti basol. (Ti basol ket no ammom no ania ti umno ket pinilim ti agaramid iti biddut wenno panagaramid ti saan nga umno.) No piliem ti sumurot iti Dios ket tungpalem dagiti bilinna, dumur-aska iti kinasirib ken kinapigsa ti kababalin. Makapadaska iti rag-o uray pay kadagiti panawen ti pannubok, ket masangom dagiti pannubok ti biag nga addaan iti espiritu ti talna.

Nakaaramidkan iti adu a nasayaat a pili iti biagmo, ngem nakaaramidka met kadagiti biddut a pili. No agaramidka kadagiti biddut a pili ket agbasolka, isinam ti bagim iti sumagmamano a tukad manipud iti Dios. Awagan dagiti nasantuan a kasuratan daytoy a pannakaisina iti **naespirituan nga ipapatay**. Mainayon pay iti pannakaisinam manipud iti Dios, ti basol ket mangigapu pay iti pannakabasol ken pannakaiba-bain. Saanmo a kabaelan ti mangparmek iti basol ken dagiti bungana a bukbukodmo.

*“Siak nga anak ti Dios,
Imbaonnak ditoy,
Inikkannak iti pagtaengan
Nagannak a naanus.
Iturongnak, idalannak,
Tarabayennak.
Isuronak ti aramidek
Tapno agbiagakto manen.”*

Pagbatayan ti Ebanghelio, p. 301

*Dagiti balikas iti nalabaga ket nailawlawag kadagiti panid 18 ken 19.

Ti Pannubbot ni Jesucristo

Gapu ta ay-ayatennaka ti Nailangitan nga Ama, imbaonna ti Anakna, ni Jesucristo, tapno agbayad para kadagiti basolmo. Daytoy a panagbayad ket paset ti Pannubbot ni Jesucristo. Sitatallugod ni Jesucristo a

nagsagaba para kadagiti basol, saem, sakit, ken panagladingitmo. Babaen iti **parabur** ken asina, matulongannaka kadagiti pannubokmo ken maisalakannaka iti panagbasol ken pannakaibabain a bunga manipud kadagiti basolmo.

Iti panagbayadna kadagiti basolmo, saan nga inikkat ni Jesus ti kinawayam nga agpili wenno ti bukodmo a pagrebbe- ngan—saannaka nga aramiden a nadalus a maibusor iti pagayatam. Tapno maawatmo ti tulong ken pigsana, masapul nga usarem

“Ta kasta la unay ti panagayat ti Dios iti lubong; nga intedna ti Anakna a Bugbugtong, tapno amin a mamati kenkuana, saan a mapukaw, no di ket adda biagna nga agnanayon.”

Juan 3:16

ti pammatim Kenkuana, agbabawika, agpabuniagka, awatem ti Espiritu Santo, ken piliem a suroten dagiti pannursurona iti unos ti biagmo. Bayat ti panagpannurraymo iti Pannubbot, mariknamto ti ayat ti Dios, ket tulongannakanto nga agibtur kadagiti pannubokmo. Mapadasamto ti rag-o, talna, ken liwliwa. Amin a kasla saan a nainkalintegang iti biag ket maaramid nga umno babaen iti Pannubbot ni Jesucristo ken iti asi ken ayat ti Nailangitan nga Ama. Ti Pannubbot ti kangrunaan iti plano ti pannakaisalakan.

SADINO TI PAPANAK KALPASAN DAYTOY A BIAG?

Manipud iti naindagaan a pannirigan, **ti pisikal nga ipapatay** ket kasla maysa a paggibusan, ngem kinaagpaysona daytoy ket maysa a pangrugian, maysa nga addang nga agturong iti plano ti Nailangitan nga Ama. Iti ipapatay, panawan ti espiritum ti bagim ket mapan iti **lubong dagiti espiritu**, a lugar a pagsursuruan ken pagsaganaan. Iti lubong dagiti espiritu, agtalinaedto kenka dagiti lagipmo iti daytoy a biag.

*Dagiti balikas iti nalabaga ket nailawlawag kadagiti panid 18 ken 19.

Nagsagaba ti Mangisalakan para kadagiti basollayo iti Minuyongan ti Getsemani.



*Iti ipapatay panawan
ti espiritum ti bagim
ket mapan iti lubong
dagiti espiritu, lugar
a pagsaganaan,
pagsursuruan, ken
paginanaan manipud
iti pakariribukan
ken leddaang.*

Saan a balbaliwan ti ipapatay ti personali-
dadmo wenno ti tarigagaymo para iti nasayaat
wenno dakes. No piliem ti sumurot ken Cristo
bayat ti biagmo iti daga, mariknamto ti
kinatalna iti lubong dagiti espiritu ket
aginanakanto manipud kadagiti pakariribu-
kam. Dagiti mangpili a saan a sumurot ken ni
Jesucristo ken saan nga agbabawi ket saan-
danto nga agbalin a naragsak.

Ammo ti Nailangitan nga Ama nga adu
kadagiti annakna ti awananto iti kaano man
iti gundaway a makasursuro maipapan ken

Jesucristo bayat ti panagbiagda ket dagiti dadduma pilienda ti saan a
sumurot Kenkuana. Gapu ta ay-ayatenna dagiti annakna, nangipaay ti
Dios iti wagas para kadagiti adda iti lubong dagiti espiritu tapno
makasursuro maipapan iti planona, maaddaan iti pammati ken
Jesucristo, ken agbabawi. Dagiti umawat ken mangsurot ken Jesucristo
ket maaddaanto iti talna ken inana.

Panagungar ken Panangukom

Maysa kadagiti naindaklan a sagut ti Dios iti amin nga umay ditoy
daga ket ti **panagungar**, a nagbalin a posible babaen ti Pannubbot ni
Jesucristo. Idi natay ni Jesus iti krus, napan ti espirituna iti lubong
dagiti espiritu. Tallo nga aldaw kalpasanna, naitipon ti espirituna iti
nagloriaan, perpekto a bagina a saanen a matay. Daytoy a panagtipon
ti bagi ken espiritu ket maawagan iti *panagungar*. Amin a mayanak
ditoy daga ket agungarto.

Kalpasan ti panagungarmo, mapankanto iti sanguanan ti Dios tapno
maukom a maibatay kadagiti aramidmo ken dagiti tarigagay ti pusom.

*Dagiti balikas iti nalabaga ket nailawlawag kadagiti panid 18 ken 19.

Nagparang ti nagungar a Mangisalikan ken Maria.



Dagiti Tukad ti Gloria

Kalpasan ti pannakaukommo, agbiagkanto iti kasasaad a nagloriaan.

Gapu ta agduduma dagiti aramid ken tarigagay ti tunggal maysa, iraman ti langit ti nadumaduma a pagarian, wenna dagiti tukad ti gloria.

Celestial a pagarian. Agnaed ti Nailangitan nga Ama ken Jesucristo iti celestial a pagarian. No agbiagka a maibatay iti ebanghelio ni Jesucristo ken madalusan manipud iti basol babaen ti Pannubbot, umawatkanto iti lugar ditoy, ti kangatuan a pagarian. Agnaedkanto iti imatang ti Dios ket ammomto ti naan-anay a rag-o.

Terrestrial a pagarian. Dagiti tao nga agkedked nga umawat iti ebanghelio ni Jesucristo ngem nagbiag iti madaydayaw a panagbiag ket umawatdanto iti lugar iti terrestrial a pagarian.

Telestial a pagarian. Dagiti agtultuloy kadagiti basolda ken saandanto nga agbabawi ket umawatdanto iti lugar iti telestial a pagarian.

Ti Pannubbot ni Jesucristo ti mangaramid a posible ti pannakaisalakan.

Biag Sakbay Ditoy Daga

Ti Pannakaparsua
ken ti Pannakatnag

Biag Ditoy Daga

Pammati ken ni Jesucristo
Panagbabawi
Panagbuniag
Sagut ti Espiritu Santo
Agibtur agingga iti
panungpalan

Pisikal nga
Ipatatay

ANIA TI KAIPAPANAN TI PLANO PARA KANIAK?

No maawatam a ti Dios ti Amam, nga ay-ayatennaka, ken inaramidna a posible tapno makagun-odka iti padas ken pannakaammo ditoy ken agbalin a kas Kenkuana kalpasan daytoy a biag, ammom ti kinapateg dagiti pangngeddengmo bayat ti panagbiagmo. Maawatam a nasken a surotem ni Jesucristo a mangawat iti sibubukel a bendision ti plano ti Nailangitan nga Ama.

**Lubong dagiti
Espiritu**

Celestial
Terrestrial
Telestial

Panagungar ken
Panangukom

KASANO A MAAMMUAK?

Ti nain-indaklan a pannakaammo maipapan iti plano ti pannakaisalakan ket dimteng gapu iti Pannakaisubli ti ebanghelio ni Jesucristo babaen ken ni Propeta Joseph Smith.

Maammuum iti bukodmo a pudno dagitoy a banag babaen iti panagda-wat iti Nailangitan nga Ama iti kararag. Sungbatannakanto babaen iti

Kasano nga Agkararagak?

- *Kasaom ti Nailangitan nga Amam.*
- *Yebkasmog dagiti rikna ti pusom (panagyaman, dagiti saludsod, dagiti kiddaw tapno patalgedan ti kinapudno ti Libro ni Mormon ken ti no ania ti insuro dagiti misionario).*
- *Gibusan (“Iti nagan ni Jesucristo, amen”).*

Espiritu Santo. Ti Espiritu Santo ket maawagan pay iti Espiritu ti Dios, ken maysa kadagiti akemna ket tapno agsaksi, wenno agpaneknek, maipapan iti kinapudno. Ti Espiritu Santo ket ipalgakna ken ipatalgedna ti kinapudno babaen kadagiti rikna, pampanunot, ken impresion. Dagiti rikna a sumangbay manipud iti Espiritu Santo ket nabileg, ngem gagangay pay a naannayas ken naulimek dagitoy. Kas naisuro iti Biblia, “Ti bunga ti Espiritu ayat, rag-o, talna, mabayag a panagitured, kinaanus, kinalaing, kinamanagtalek, [ken] kinaemma, panagteppel” (Taga Galacia 5:22–23). Dagitoy a rikna ket pammatal-

ged manipud iti Espiritu Santo a pudno daytoy a mensahe. Kalpasanna masapulyonto ti agpili no agbiangkayo met laeng a maitunos kadagiti pannursuro ni Jesucristo kas naisubli babaen ken Joseph Smith.

Maammuum ti kinapudno babaen iti naimpusuan a kararag.



LISTAAN DAGITI BALIKAS

Biag sakbay ditoy daga Ti biagtayo sakbay a nayanaktayo iti daytoy a daga. Iti biagtayo sakbay ditoy daga, nagbiagtayo iti sidong ti Nailangitan nga Amatayo kas espiritu nga annakna. Awanantayo idi kadagiti pisikal a bagi.

Espiritu Ti paset ti maysa a tao a nagnaed iti Nailangitan nga Ama sakbay iti pannakayanak. Bayat ti biag ditoy daga, naitipon ti espiritu iti pisikal a bagi. Agtultuloy nga agbiag ti espiritu kalpasan ti ipapatay.

Kinawaya nga Agpili Ti sagut manipud iti Dios tapno agpili iti nagbaetan ti nasayaat ken dakes, iti nagbaetan ti umno ken biddut.

Lubong dagiti Espiritu Lugar a papanan dagiti espiritutayo iti baet ti ipapatay ken panagungar. Para kadagiti nalinteg bayat ti panagbiagda, ti lubong dagiti espiritu ket agbalinto a lugar ti talna ken rag-o.

Naespirituan nga ipapatay Pannakaisina manipud iti Dios kas bunga ti panangsupring kadagiti bilinna. Maisalakantayo manipud iti naespirituan nga ipapatay babaen ti Pannubbot ni Jesucristo bayat ti panagbawati ken panagtungpaltayo kadagiti bilinna.

Ordinansa Maysa a sagrado, pormal nga aramid a maannong babaen ti turay wenna awtoridad ti priesthood. Dagiti pagarigan ket iramanna ti panagbuniag, panagawat iti Espiritu Santo, ken ti sakramento. Dagiti ordinansa ket masansan a kaipapananna iti iseserrek kadagiti katulagan iti Dios.

Panagungar Kalpasan ti pisikal nga ipapatay, ti pannakitipon ti espiritu iti naan-anay a pisikal a bagi a nagtagilasag ken nagtagitulang. Ni Jesucristo ti immuna a napagungar. Kalpasan ti Panagungar, ti espiritu ken bagi ket saanton pulos nga agsina manen, ket agbiag ti tao iti agnanayon. Amin a nagbiagen ket agungarto gapu iti Pannubbot.

Pannakaisalakan Pannakaisalakan manipud iti basol ken ipapatay. Ti pannakaisalakan ket naaramid a posible babaen ti Pannubbot ni Jesucristo. Babaen ti Panagungar ni Jesucristo, tunggal maysa ket maparmeknanto dagiti bunga ti ipapatay. Maisalakantayo pay manipud kadagiti bunga ti basol babaen ti pammati ken Jesucristo. Maiparangarang daytoy a pammati iti biag nga addaan panagbabawati ken panagtungpal kadagiti integ ken ordinansa ti ebanghelio ken panagserbi ken ni Cristo.

Pannubbot Ti pasamak a mangpabalín kadatayo a makitinnunos iti Dios. Ti mangsubbot ket tapno sagabaen ti pannusa gapu iti basol, ngarud panangikkat kadagiti bunga ti basol manipud kadagiti agbababaw a managbasol. Ni Jesucristo ti kakaisuna laeng a makabalín a mangaramid iti naan-anay a Pannubbot iti amin a sangkataw-an. Iraman ti Pannubbotna ti panagsagabana para kadagiti basoltayo, ti panagsaysay ti darana, ken ti ipapatay ken Panagungarna. Gapu iti Pannubbot, agungarto ti tunggal maysa a nagbiagen. Ipaay pay ti Pannubbot kadatayo ti maysa a wagas a pakapakawanan dagiti basoltayo ken agbiagtayo nga agnanayon a kadua ti Dios.

Parabur Naited ti nadosan a tulong ken pigsa babaen iti asi ken ayat ni Jesucristo. Babaen ti paraburna, a naaramid a posible babaen iti Pannubbotna, agungarto ti amin a sangkataw-an. Babaen iti paraburna, dagiti agtultuloy nga agbabaw ken agbiag a mayannurot iti ebanghelion ket mariknadanto ti managibtur a kinasinged iti Nailangitan nga Ama iti daytoy a biag ken agnaed iti sidongna kalpasan daytoy a biag.

Pisikal nga ipapatay Ti pannakaisina ti espiritu manipud iti mortal a bagi. No matay ti pisikal a bagi, agtultuloy nga agbiag ti espiritu iti lubong dagiti espiritu. Maparmektayo ti pisikal nga ipapatay babaen ti panagungar, a naaramid a posible babaen ti Pannubbot ni Jesucristo.

Plano ti pannakaisalakan Plano ti Nailangitan nga Ama tapno mangpabalín kadatayo nga agbalín a kas Kenkuana ken umawat iti pakabuklan ti rag-o. Naisentro daytoy a plano iti Pannubbot ni Jesucristo ken iramanna amin dagiti bilin, ordinansa, ken pannursuro ti ebanghelio.

Ti Pannakatnag Ti pasamak a nakapagbalinan a mortal ti sangkataw-an. Nagbunga daytoy iti naespirituan ken pisikal a pannakaisina manipud iti Dios. Gapu ta sinupring da Adan ken Eva, dagiti immuna a tao, dagiti bilin ti Dios, naisinada manipud iti imatangna (daytoy a pannakaisina ket maawagan pay iti naespirituan nga ipapatay) ket nagbalín a mortal (makapadas iti pisikal nga ipapatay). Kas an-annabo da Adan ken Eva, naisinatayo met manipud iti Dios ket makapadastayo iti pisikal nga ipapatay. Pinarmek ti Pannubbot ni Jesucristo ti agpada a pisikal ken naespirituan nga ipapatay.

MAINAYON A PANAGADAL

Dagiti sumaganad a saludsod ken nasantuan a kasuratan ket makatulongto kenka a mangsursuro iti ad-adu pay maipapan kadagiti pagbatayan iti daytoy a polieto ken agutob maipapan kadagitoy. Ti listaan ket saan a komprehensibo; dagiti footnote ken cross-reference kadagiti nasantuan a kasuratan ti mangitudo kenka kadagiti mainayon a binatog ken pagadawan.

Ania ti pakainaigam iti Dios sabbay a nayanakka?

Jeremias 1:5 (Biblia, Daan a Tulag)

Hebreo 12:9 (Biblia, Baro a Tulag)

Ania ti Pannakatnag? Apay a kasapulan daytoy?

2 Nephi 2:14–26 (Libro ni Mormon, dagiti panid 72–73)

Alma 42:2–9 (Libro ni Mormon, dagiti panid 396–97)

Ania ti panggep ti biagmo ditoy? Kasano nga apektuan daytoy a pannakaammo dagiti pangngeddeng nga aramidem iti tunggal aldaw?

2 Nephi 2:25–27 (Libro ni Mormon, panid 73)

Alma 34:32 (Libro ni Mormon, panid 376)

Ania ti Pannubbot? Kasano a matulongannaka daytoy iti inaldaw a panagbiagmo?

Juan 3:16–17 (Biblia, Baro a Tulag)

Taga Roma 3:23–25 (Biblia, Baro a Tulag)

2 Nephi 2:6–8 (Libro ni Mormon, dagiti panid 70–71)

Alma 7:11–12 (Libro ni Mormon, dagiti panid 282–83)

Alma 42:22–23 (Libro ni Mormon, panid 398)

Ania ti lubong dagiti espiritu? Ania ti mapasasamak sadiay?

1 Pedro 4:6 (Biblia, Baro a Tulag)

Alma 40:11–14 (Libro ni Mormon, panid 392)

Ania ti kayat a sawen ti agungarto? Asino ti agungarto?

Apay a napateg ti panagungar?

2 Nephi 9:13–15 (Libro ni Mormon, dagiti panid 90–91)

Alma 11:42–45 (Libro ni Mormon, panid 298)

Ania ti langit? Apay nga adda agduduma a tukad ti gloria?

1 Taga Corinto 15:40–43 (Biblia, Baro a Tulag)

MAKIPAGDAYDAYAWKA KADAKAMI

UMAYKA KET KITAEM NO KASANO A MABENDISIO- NAN TI NAISUBLI NGA EBANGHELIO TI BIAGMO



Ti miting ti sakramento ti kangrunaan a serbisio ti panagdaydayaw. Gagangay nga agpaut daytoy iti nasursurok bassit a maysa nga oras ken gagangay a buklen dagiti sumaganad:

Dagiti Himno: Kantaen ti kongregasion. (Maipaay dagiti libro a pagkantaan.)

Dagiti kararag: Idaton dagiti lokal a miembro ti Simbaan.

Ti sakramento: Mabendisionan ti tinapay ken danum ket maiwaras iti kongregasion kas pakalaglagipan iti Pannubbot ni Jesucristo.

Dagiti agsarita: Gagangay a maysa wenno dua a sigud a natudinganan a miembro ti kongregasion ti agsarita maipapan kadagiti topiko iti ebanghelio.

Kawes: Gagangay nga agkawes dagiti lallaki ken babbarito iti terno wenno maibagay a pantalon a naternuan iti kamisadentro ken kurbata. Agkawes dagiti babbai ken babbalasang iti bestida wenno palda.

Saan a makiddaw dagiti donasion kabayatan ti serbisio ti panagdaydayaw.

Awisendakayo pay a dumar-ay kadagiti mainayon a miting, a mayannurot kadagiti paggugustom ken ragup ti tawenmo. Mabalín nga agduduma ti urnos ken kaadda a magun-od dagitoy a miting.

Sunday School: Dagiti klase para iti pagadalan kadagiti nasantuan a kasuratan ken doktrina ti ebanghelio.

Dagiti miting ti priesthood: Dagiti klase para kadagiti lallaki ken babbarito nga agtawen iti 12 ken natataengan.

Relief Society: Dagiti klase para kadagiti babbai nga agtawen iti 18 ken natataengan.

Agtutubo a Babbai: Dagiti klase para kadagiti babbalasang nga agtawen iti 12 agingga iti 18.


Primary: Ragup ti serbisio ken dagiti klase dagiti ubbing nga agtawen iti 3 agingga iti 11. Ti nursery para kadagiti ubbing nga agtawen iti 18 a bulan agingga iti 3 a tawen ket masansan a sidadaan a magun-od.



Oras ti miting ti sakramento: _____

Adres ti kapilia: _____

Ania ti Nasken nga Aramidek?



- Basaen ti Libro ni Mormon

Dagiti maisingasing a basaen: _____

- Agkararag tapno maammuan a ti insuro dagiti misionario ket pudno.
- Makimisa.
- Agsagana a mabuniagan inton _____
- Sumarungkar iti www.mormon.org tapno masursuro ti ad-adu pay maipapan iti plano ti Nailangitan nga Ama para kadagiti annakna.
- Agtultuloy a makipagkita kadagiti misionario tapno masursuro ti ad-adu pay maipapan kadagiti kinapudno nga insubli ti Dios babaen kadagiti kabaruaman a propeta.

Sumaruno a pannakipagkita: _____

Dagiti nagan dagiti misionario ken numero ti telepono:

TI SIMBAAN NI
JESUCRISTO
DAGITI SANTO
ITI UD-UDINA NGA ALDAW

www.mormon.org

Dagiti Pammadayaw Iti Ladawan

Akinsango nga akkub: Detalye manipud iti *Nagungaren*, ni Del Parson. © Del Parson. Saan a kopiaen
Panid 11: Detalye manipud iti *Ni Cristo Iti Getsemani*, ni Harry Anderson
Panid 13: *Nagungaren*, ni Greg Olsen. © Greg Olsen. Saan a kopiaen
© 2012 ti Intellectual Reserve, Inc. Nailatang amin a karbengan. Naimaidit iti EUA.

Pannakaanamonga iti Ingles: 11/05. Pannakaanamonga a maipatarus: 11/05.
Pannakaipatarus ti *The Plan of Salvation*.
Ilokano.01157 864

ILOKANO



4 02011 57864 4

01157 864